

蕩香零拾叢書



蕩

香

零

拾

光緒丙申讀曹倦圃
流通古書約節謙游
玩好諸巖等語三十
二字擬刻罕見之書
以一字爲一冊陸續
開雕而亦時時抽換
宣統庚戌始成其三
十九種兵燹之後書
板尙完亟爲脩整摹
印與當世賢士大
夫共鑑賞之六十九
老人繆荃孫謹識

藕香零拾三十二冊

節

澹生堂藏書約四卷

祁承燾同本

藏書紀要一卷

孫慶增土禮居本

流通古書約一卷

曹溶知不足齋本

齋本

古歡社約一卷

丁雄飛鈔本

圖

唐開成九經碑圖一卷

魏錫曾鈔本

游

大唐創業起居注三卷

荃孫校

玩

安祿山事蹟三卷

荃孫校

好

牛羊日麻一卷

東觀奏記三卷

廣陵妖亂

志一卷

譜

十三處戰功錄一卷

大典本

費

玉牒初草二卷

可

宋中興百官題名一卷

何異

大典本

四

河南志四卷

大典本

成

又

棲霞小志一卷

盛時泰

兩京城坊考補一卷

程鴻詒

古

游城南記一卷

張應

據鞍錄一卷

楊應瑞

遼東行部志一卷

王寂

偽齊錄二卷

大典

本

寓庵集六卷

李庭

興

又

靜軒集六卷

閻復

荃孫輯

續

清河文集七卷

元明善

荃孫輯

出

又

菊潭集四卷

李尤魯辨

宋

蘇穎濱年譜一卷

孫汝聽

大典本

經

孫淵如年譜一卷

刊

布

曾公遺錄三卷

曾布大典本

者

又

梨

山房隨筆一卷逸文一卷

蔣正子荃孫校

澹餘筆記一卷

曹申吉

棗

刑統賦一卷

傅霖

眞賞齋賦一卷

豐坊

河

賦注一卷

江藩

始

舊聞證誤四卷逸文一卷

李心傳

荃孫校

小

錢竹汀日記一卷

農丹一卷

張標

强芻圃

三書一卷

强望泰

帙

水居士書跋二卷

瞿中溶

破鐵網二卷

胡爾

訖

敬齋古今叢十二卷逸文二卷

李治

明鈔本

鉅

又

編

又

澹

生

堂

臧

書

約

澹生堂藏書約



山陰密士祁承燦著


余十齡背先君子時廬習句讀而心竊慕古通奉公在仕二十餘年有遺書五七架臥樓上余每入樓啟鑰取觀閱之尚不能舉其義然按籍摩挲雖童子之所喜吸笙搖鼓者弗樂于此也先孺人每促之就塾移時不下樓繼之以訶責終戀戀不能舍比束髮就婚卽內子匳中物悉以供市書之值時文士競尚秦漢語爲比耦益沾沾自喜每至童子試不前亦夷然不屑也及舞象而後更沈酣典籍手錄古今四部取其切近舉業者彙爲一書卷以千計十指爲裂然性尤喜史書生欲得一小史爲力甚艱偶聞盱江鄧元錫有函史隱括頗悉郭相奎使君以活版模行于武林者百許部一時競取殆

盡遂亟渡錢塘購得其一驚喜異常不啻貧兒驟富矣
時方館于富春山中晝夜展讀一月而竟遂苦怔忡不
成寐者數月至有性命之憂癸巳讀書雲門僧房與柳
貞之共處講席貞之好談宗乘事正與病愜乃稍稍戒
觀書然而蠹魚之嗜終不解也凡試事過武林徧問坊
肆所刻便向委巷深衢覓有異本卽鼠餘蠹賸無不珍
重市歸手爲補綴十餘年來館穀之所得餽粥之所餘
無不歸之書者合之先世頗踰萬卷藏載羽堂中丁酉
冬夕小奴不戒于火先世所遺及半生所購無片楮存
者因歎造物善幻故欲鍛鍊人性情乃爾遂北入成均
燕市雖經籍淵藪然行囊蕭索力不能及此每向市門
倚櫬看書友人輒以王仲任見嘲辛丑下第歸稍葺一
椽尋欲聚書其中而旋以釋褐爲令初吏^監陽掌大一
城卽邑乘且闕安有餘書及更繁茂苑其爲經籍淵藪

雖猶之燕市乎然而吏事鞅掌呼吸不遑初非畏風流之罪過實迫于晷刻之無暇耳閒有見貽概以坊梓且多重複奇書異本無從得而寓目焉自入白門力尋蠹好詢於博雅覺之收藏兼以所重易其所闕稍有次第然而漢唐人之著述則不能得十一于千百也癸丑偶以行役之便經歲園居復約同志互相裒集廣爲搜羅夏日謝客杜門因率兒輩手自插架編以綜緯二目總計四部其爲類者若干其爲帙者若干其爲卷者若干以視舊蓄似再倍而三矣夫余之嗜書乃在于不解文義之時至今求之不得其故豈真性生者乎昔人飢以當食寒以當衣寂寥以當好友余豈能過之第所謂胸中久不用古今澆灌便塵俗生其閒照鏡則面目可憎對人則語言無味殆爲是耳然而聚散自是恆理卽余三十年來聚而散散而復聚亦已再見輪迴矣今能期

爾輩之有聚無散哉要以爾輩目擊爾翁一生精力耽
耽簡編肘敝目昏慮衡心困艱險不避譏訶不辭節縮
饗餐變易寒暑時復典衣銷帶猶所不顧則爾輩又安
忍不竭力以守哉至竭力以守而有非爾輩之所能守
者夫固有數存乎閒矣今與爾輩約及吾之身則月益
之及爾輩之身則歲益之子孫能讀者則以一人盡居
之不能讀者則以眾人遞守之入架者不復出蠹蝕者
必速補子孫取讀者就堂檢閱竟卽入架不得入私
室親友借觀者有副本則以應無副本則以辭正本不
得出密園外書目視所益多寡大較近以五年遠以十
年一編次勿分析勿覆瓿勿歸商賈手如此而已雖然
元美有言世有勤于聚而儉于讀者卽所聚窮天下書
猶亡聚也世有侈于讀而儉于辭者卽所讀窮天下書
猶亡讀也吾豈能必爾輩之善讀讀而且饒于辭哉益

有味于黃魯直之言也四民皆當世業士大夫家子弟
能知忠信孝友斯可矣然不可令讀書種子斷絕有才
氣者出便名世矣斯余藏書之意乎因雜取古人聚書
讀書足爲規訓者列于後而并示以購書鑒書之法令
兒輩朝夕觀省焉



讀書訓

并序

人亦有言養子弟如養芝蘭旣積學以培植之又積善以滋潤之自幼律之以嚴繩之以禮則長無不肖之悔然積學豈易言哉子弟之學非取其名學之而已也顏氏之訓曰士大夫子弟數歲以上莫不被教及至冠婚性體稍定有志尚者遂能磨礪以就素業無履立者自茲墮慢便爲凡人飽食醉酒忽忽無事以此銷日以此終年及有吉凶大事議論得失蒙然開口如坐雲霧公私宴集談古賦詩塞默低頭欠伸而已有識旁觀代其入地何惜數年勤學長受一生愧辱哉梁朝全盛之時貴游子弟無不薰衣剃面傅粉施朱駕長檐車跟高齒屐坐棊子方褥憑斑絲隱囊列器玩於左右從容出入望若神仙當爾之時亦

快士也及時異勢殊求諸身而無所得施之世而無所用披褐而喪珠失皮而露質兀若枯木泊若窮流當爾之時誠驚材矣若能常保數百卷千載終不爲小人諺曰積財千萬不如薄伎在身伎之易習而可貴者無過讀書世皆欲識人之多見事之廣而不肯讀書是猶求飽而懶營饌欲煖而懶裁衣也之推之言其警人者至矣爾輩時讀一過能無惕然要以所貴讀書非僅涉獵便可自足王僧虔之戒其子也汝開老易卷頭五尺許未知輔嗣何所道平叔何所說馬鄭何所異指例何所明而便盛于麈尾自呼談士此最險事且百家諸子皆言家口實如客至之有設也汝皆未經拂耳瞥目豈有庖廚不修而欲延大賓者哉張衡思倖造化郭象言類懸河不自勞苦何由至此旨哉斯言世傳六季徒尚虛浮而其教子弟者

乃諄諄務實若此琅琊王氏世傳青箱學有以也夫
爾輩讀書務須奮志法古古人足尚者安可枚舉姑
疏記二十三則以示例焉

范文正公少時多延賢士胡瑗孫復石介李覲之徒與
之游晝夜肄業帳中夜分不寢後公貴夫人李氏收其
帳頂如墨色時以示諸子曰此爾父少時勤學鎧煙蹟
也

朱穆年五歲便有孝稱父母有病輒不飲食差乃復常
及壯耽學銳意講誦或時思至不自知亡失衣冠顛墜
阬岸其父常以爲專愚幾不知馬之幾足穆愈更精篤
江總幼篤學有詞彩家傳易有賜書數千卷總讀未嘗
釋手

廣漢朱倉廩攜錢八百文之蜀從處士張盭受春秋糴
小豆十斛肩之爲糧閉戶精誦盭矜憐之斂得米二十